

**13 FEBRUARIE**  
**RUGACIUNEA**  
**SF. IERARH**  
**GHEORGHE KONISKI**  
**AL MOGHILEVULUI**

**Молитва**

О великий угодниче Христов, Святителю отче наш Георгие! К тебе, молитвеннику теплому и предстателю пред Богом непостыдному усердно притекаем, в нуждах и скорбех наших утешения и помощи просяще. В древнюю годину испытаний, внемгда посетиша страну нашу беды и скорби, Господь яви тя Церкви Своей столпа непоколебима и людем православным пастыря добра, душу свою за овцы полагавшего и лютыя волки далече отгнавшего. Ныне убо призри на ны, недостойная чада твоя, умиленною душею и сокрушенным сердцем тебе призывающия. Крепость бо наша в нас оскуде и вражия ловления и сети, ереси и расколы обыдоша нас. Помози нам, заступниче наш! Буди щит несокрушим Святей Церкви Православней и Отечеству нашему. Преосвященные архиереи

благословением святительства и премудростию украси, пастырем в служении ревность даруй, монашествующия к подвигам добраго течения в послушании утверди, православным христианом веру святую непорочну соблюсти умоли, мир весь твоим предстательством умири. Осени горним благословением нас, чада твоих, и подаждь нам скорбящим утешение, болящим здравие, гонимым защищение. Буди всем нам благосердный отец и за вся теплый молитвенник, яко да предстательством твоим ограждаеми, непрестанно воспеваем и прославляем Всесвятое имя Живоначальных Троицы, Отца и Сына и Святаго Духа, во веки веков. Аминь.